

KELAB MAHASISWA MATEMATIK UPM LAWAT AUSTRALIA

Kelab Mahasiswa Matematik dengan kerjasama Bahagian Hal-Ehwal Pelajar dan Bahagian Antarabangsa Universiti Putra Malaysia (UPM) mengajurkan program mobiliti tahunan dengan melawat New South Wales, Australia, selama 10 hari, baru-baru ini.

Program Tour of Knowledge D'Aussie 2016 itu diketuai Nor Fatimahtul Zuhrah Sulaiman sebagai pengarah program diadakan di Macquarie University, New South Wales tajaan Imagesfound Media.

Program disertai 14 siswa Fakulti Sains terdiri daripada Jabatan Matematik, Kimia dan Biologi.

Nor Fatimahtul Zuhrah berkata, program bertujuan meningkatkan kemahiran insaniah peserta secara menyeluruh melalui interaksi formal dan tidak formal bersama warga setempat dalam setiap aktiviti yang dijalankan.

"Melalui program ini, persefahaman dan jaringan hubungan bersama masyarakat di Australia dapat diperkuuhkan selain memahami budaya dan cara hidup mereka.

"Kegiatan yang tidak boleh diperoleh menerusi teori



itu menjadikan program seperti ini landasan tepat untuk menimba pengalaman baru," katanya.

Program itu juga menjadi platform kepada peserta melihat sistem pengurusan dan pembelajaran universiti di negara berkenaan selain memartabatkan Fakulti Sains UPM ke peringkat antarabangsa.

"Program ini bukan untuk membandingkan sistem pembelajaran antara UPM dan Macquarie University, tetapi kami mahu melihat sistem pembelajaran di negara maju.

"Kelebihan pada universiti itu mungkin boleh diaplikasikan di UPM pada masa akan datang," katanya.